

.lxviii. NATALE OMNIUM APOSTOLORUM .

Benedictus deus et pater domini nostri iesu christi cui quidem soli ab hominibus reddenda est benedictio . pro eo quod adae peccatum aufert ab eis et quia ab omnibus quoque creaturis benedicatur id est per oboedientiam eorum quia omnis creatura non solum uoce sed etiam opere laudat dominum omnipotentem . qui secundum magnam misericordiam suam regenerauit nos in spem uiuam qui primum hominem fecit ad imaginem et similitudinem suam . et lapsum regenerauit de originali peccati ad uitam æternam ; id est ad regna caelorum per baptismum . sicut scriptum est . Nisi quis renatus fuerit ex aqua et spiritu sancto . non potest intrare in regnum caelorum . [.ii.] Et iterum . Qui manducat corpus meum et bibit meum sanguinem . in me manet et ego in illo . Quia spiritus sanctus domini in uobis permanet . qui in uirtute dei custodimini . quia postquam renati fuerint homines ex his . eorum merita custodiuntur in caelis . Si ipsi tamen in terra fidem rectam custodiunt . uirtus dei auxilium domini significat . cooperans cum libertate arbitrii quæ data est . homini in salutem preparatum in tempore nouissimo . quia post peccata remissio datur poenitentibus . ut in die iudicii non puniantur propter delicta sua . sed gaudentes gloriam domini intrent cum choris angelorum . in laudem et gloriam et honorem in reuelatione iesu christi . ut laudetur in bonitatem actionis suæ sanctissime . Laudantur enim iusti in regno patris eorum . et glorificantur ore angelorum dei . perseuerantia enim regni et uultus dei est presens honor sanctorum . qui laudem et gloriam et honorem habebunt gaudentes in regno eius . quia creator laetitia inenarrabilis est eorum . non potest enim enarrare lingua humana magnalia dei . quæ sunt prepara

ta in regno eius . Vbi omnes sancti portabunt premia bonorum
operum que fecerunt in lege dei . et postea in iesu christo
semper glorificabunt . qui est salus animarum credentium
/141v/ in se . hic et in aeterna secula seculorum amen .